

## Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi  
Ad Thermas Cardinalis Presbyteri Opera Quotquot  
hactenùs separatim edita fuerê Omnia**

**Bona, Giovanni**

**Antverpiae, 1677**

§. 20. De Codicibus sacrarum precationem.

**urn:nbn:de:hbz:466:1-10805**

constant, quorum unus semper est Psalm. 50. *Miserere.* In Monasteriis, in quibus magna multitudo Monachorum est, semper ante prandium integrum Psalterium percurrunt brevissimo spatio temporis divisis per singulos Monachos Psalmis, five Psalmorum sectionibus, cum longiores sunt. Hæc illi. Porro de Cophris, eorumque erroribus, obstinatione, & vafricie, deque solemnilegatione ad eos missa longam, & scitu dignam Historiam narrat Franciscus Sacchinus parte 2. Historia Societatis Jesu lib. 6. num. 121. usque ad 157.

## S. XIX.

*De aliis quibusdam ritibus Ecclesie Orientalis.*

**I.** Nter mare Caspium, & Pontum Euxinum sitæ sunt Iberia, Colchis, & Albania. Albanenses ritum sequuntur Armenum in propriam linguam translatum. Sed advertendum aliam esse Albaniam in Europa, sic dictam ab Albanis Asiaticis qui à Tartaris expulsi istuc considererunt. Est hæc illa pars Macedoniae, quæ ad mare Jonicum vergit, & Illyrico five Dalmatiae jungitur, atque etiā Epirum complectitur, haberque proprium idiomam ab Illyrico, & Græco diversum, quo sacra gentes illæ peragunt ritu Græco. Isidem Græcis ritibus utuntur Colchi, & Iberi suo quisque idiomate. Colchi nunc Mengrelenses vocantur, habitantque sylvos colles, & saltus horribiles sparsim more ferarum, absque ulla non solum urbis, sed nec vici quidem frequentia. Huc Jasonem cum Argonautis navigasse, au reumque vellus in Græciam transtulisse Poëtæ fabulati sunt. Vix præter nomen quidpiam habent Christianæ Religionis. Iberi nunc Georgiani dicuntur. Circa divinum Officium in eo sunt errore, ut non omnes Ecclesiastici illud recitent, sed unus tantum, vel duo, cæteris adstantibus, & minimè attendentibus. Horum mores, & haereses fusè describit, qui eas regiones peragravit, Clemens Galanus in conciliacione Ecclesie Armenæ, & Romanæ, parte 1. cap. 12. Chaldaei & Syri ritum Maronitarum sequuntur, sed haereticæ Nestoriani, & Jacobitæ plerique sunt. Nestoriani in Babylonie, Persia, & aliis Asiae regionibus degunt, & in Mesopotamia. Invocant in divinis Officiis Nestorium, & Theodorum Mopsuestenum, & S. Cyrrilum anathematizant. Resider ut plurimum eorum Patriarcha in civitate Mosul, quam dicunt esse Ninivem magnam,

Jacobitæ à quodam Jacobo Syro Dioscori scriptore nomen acceperunt, suntque dispersi per ci vitates, & oppida Syriæ, Mesopotamia, & Babylonie. Horum Ecclesia Patriarchalis est in Mesopotamia extra civitatem Mardim in Monasterio Zafran. Verum Patriarcha residere solet in civitate Caramit, ut testatur Thomas à Jesu lib. 7. de Conversione omnium Gentium procuranda. Alii sunt in Persia, & India Orientali solo nomine Christiani, qui se Christianos S. Joannis Baptistarum nuncupant, sed hi nullum Officium recitant, carentque forma, & materia legitima Sacramentorum. In Indiis item Orientalibus in Provincia Malavar propè insulam Zeliam est Italia natio Christianorum, qui dicuntur Christiani S. Thomæ. Hi olim Archiepiscopos ex Armenia habuerunt, qui lingua Syriaca divina Officia ritu Armeno celebrabant, quo idiomate etiam nunc utuntur. Idē qui sacris initiari volunt, præter communem regionis linguam, etiam Syriacam, ut nos Latinam, ediscunt.

## S. XX.

*De Codicibus sacrarum Precationum.*

**I.** Codices divinorum Officiorum, five ut loquitur Virgilius Papa, epist. 1. ad Eusebium, Canonicae precis textus apud Græcos multi sunt. Psalterium in 20. Cathismata divisum, ut supra dictum est. Lectiones veteris, & novi Testamenti. Triodium, in quo sunt Canones trium Odarum, quæ tempore Quadragesimæ recitan tur. Pentecostarium, in quo sunt Officia à die Paschatis usque ad Pentecosten. Mænæa in 12. tomos divisa, quorū sunt menses, & continent Officia Sanctorum. Menologium, in quo nomina Sanctorum, & vita breviter recensentur, fusi tamen quām in Latino Martyrologio. Euchologium continens Orationes, & benedictiones, pro diversi functionibus Ecclesiasticis. Horologium, quod est Officium diurnum. Anthologium, in quo multa sunt Officia in variis libris dispersa. Panegyricus habet diversas Orationes in varias festivitates. Diaconicon de Officio Diaconi. Paracletus quotidiano usui deferviens. Octoechus de octo tonis, seu modis musicis, quo in libro sunt Canones, & troparia diversa. Hermolarium, five Hirmologium rhythmum indicans, five tonum juxta quem libet Canonum cantus inflecti. Sunt denique Liturgiæ, & alii libri ad Missam spectantes. Agit de his diffusè & accuratè Leo Allatius in Dissertatione de libris Ecclesiasticis Græcorum.

2. Plures

2. Plures quoque sunt Latinorum Ecclesiastici libri, videlicet Psalterium, Lectionarium, Collectaneum, Antiphonale, Hymnarium, Martyrologium, Rituale, Ceremoniale, Sacerdotale, Pontificale, Missale, Graduale, Diurnum, & Breviarium. Omnia autem officia in Breviario descripta sunt, qua voce ad significandum Codicem divinorum Officiorum usos esse antiquos Patres constat ex Epistola cuiusdam Presbyteri Aurelianensis ad Richardum Priorem S. Victoris, qua petit ab eo lectiones inferendas Breviario <sup>a</sup>. Habetur topo 4. Scriptorum Historiæ Franciæ. Est autem Breviarium idem ac summa-  
rium, compendium, opus concisum. Seneca <sup>b</sup> calumniatur hanc vocem tanquam minus Latinam : Breviarium, inquit, olim cum Latinè loqueremur, summarium vocabatur. Sed Plinius, & Suetonus <sup>c</sup>, quos Latinè loquitos fuisse nemo negat, hoc vocabulo uti non dubitarunt. Legi eram apud Egihardum in vita Caroli Magni ejus testamentum Breviarium dici, quia scilicet compendio facultatum illius dispositionem continebat. De Breviarii notione legendus Pitheus ad leges Francicas, itemque Gretserus lib. 1. in Codinum. Cur verò liber divinorum Officiorum hanc nomenclaturam fortuit sit, explicavit viridati Alardus Gazeus <sup>d</sup>, & Liegnardus Lessius <sup>e</sup>. Continet enim omnes Psalmos, qui sunt compendium totius scripturæ: tum selectissima quaque complectitur ex utroque testamento, insigniorum sanctorum Patrum doctrinam, precipua Sanctorum gesta, Hymnos, & Orationes. Addiderit ego Breviarium dici, quod in eo concisè, ac sine musicalibus notis ea omnia conscripta sint, que in Antiphorariis, aliisque libris Choraliis magnis characteribus ad ulum cantantium comprehenduntur. Denique Breviarii nomen ad Officii divini brevitatem referri potest: nam illud prolixum non esse & longum injuria dici, recte evinicit lib. 1. de horis Canoniceis cap. 28. Oliverius Bonarius; constatque evidenter ex collatione hodierni Breviarii post Pium V. cum antiquioribus, quæ multò prolixiora sunt. Imo etiam vetus Romanum à fratribus Franciscanis olim abbreviatum fuisse Radulphus Tungrensis conqueritur libro de Canonum observantia propositione vigesima secunda, & alibi passim.

<sup>a</sup> Epist. 563. <sup>b</sup> Senec. Ep. 39. <sup>c</sup> Plin. l. 18. cap. 26.  
Sueton. in Augusto. <sup>d</sup> Gaz. innotis ad Cassianum  
lib. 4. de inst. c. ult. <sup>e</sup> Lessius de just. lib. 2. cap. 37.  
dub. 8.

## CAPUT XIX.

## De disciplina psallendi.

Nulla actio Religiosorum majoris momenti est, nulla majoris obligationis, quam recipatio divini Officii: dixit enim Abbas Theodorus <sup>f</sup>, quia si nobis imputaret Deus negligentias temporis quo oramus, & captivitates quas patimur dum psallimus, non possumus salvi fieri. Ea tamen incuria nostræ salutis ut plurimum laboramus, ut omnia negotia & studia saecularia accuratissime peragamus; Sacras vero precatio-  
nes perfundit omnino, mente distracta, ac proflus aliud agendo persolvamus, Omne Dei cultum non sine magno æternæ vitæ discrimine negligentes. Nam, ut Simeon Monachus <sup>g</sup> scribit, Væ talibus, cum Deo laudes concinunt,  
væ, cum Deum adorant, vae, cum preces ad eum fundunt. Parum est Sacerdotalis functionis exteriore dumtaxat ritus, & ceremonias perspectas habere, si externis actibus internas spiritus operationes copulare nesciamus. Sanctus Benedictus ad hanc sapientiam certissimus Magister, cum per multa capita celestis sua Regulæ nocturnæ diurnaque Psalmodiæ ordinem accuratè digestisset, mox decimum nonum caput at-  
texuit de disciplina psallendi, ut quoties ad opus divinum assistimus, consideremus, ait, qualiter oporeatis nos in conspectu Divinitatis, & Angelorum esse, & sic itemus ad psallendum, ut mens nostra concordet voci nostræ. Hujus ego incomparabilis Magistri exemplum & institutionem numerationis serie, titulique inscriptione sequutus post descriptas horarum Canonicarum partes omnes, & symbolicas earum rationes, ad asceticam me confero tractationem, quæ si longior aliquanto fuerit, boni consulat lector; non enim simpliciter psallere; sed attente, devotè, & reverenter psallere id Deo gratum, id animæ nostræ proficuum est.

<sup>f</sup> Lib. 5. de virtutib. libello 11. num. 11. <sup>g</sup> Sim. Orat.  
4. defid. & morib.

Z Z Z Z Z      §. I. Di